


詩紀卷之四十七

宋三

謝靈運

陳郡陽夏人以祖父並葬始寧縣遂移籍會稽晉孝武時襲封康樂公累遷黃門侍郎時



宋公位相國以為從事中郎遷世子左衛率及宋受禪降爵為侯起為散騎常侍轉太子左衛率武帝崩出為永嘉太守在郡辭歸始寧文帝登祚徵為秘書監遷侍中未幾復稱疾歸好尋山陟險會稽太守孟覲表其有異志帝惜其才授臨川內史復為有司所糾徙廣州尋以事詔就廣州棄市年四十九○詩品曰靈運詩其源出於陳思雜有景陽之體故尚巧似而逸蕩過之頗以繁蕪為累蝶謂若人興多才高寓目輒書內無乏思外無遺物其繁富宜哉然名章迫句處處間起麗典新聲絡繹奔會譬猶青松之拔灌木白玉之映塵沙未足貶其高潔也

樂府

康樂樂府多闕文  
姑從茂倩舊次

善哉行

以下  
四言

陽谷躍升虞淵引落景曜東隅晚西薄三春燠敷九  
秋蕭索涼來温謝寒往暑却居德斯願積善嬉謔陰灌  
陽叢凋華墮萼歡去易慘悲至難鑠擊節樂府作  
激涕當歌  
對酒當酌鄙哉愚人戚戚懷瘼善哉達士滔滔處樂

隴西行

昔在老子至

一作志

理成篇柱小傾大綆短絕泉鳥之栖

遊林檀是閑韶樂牢膳豈伊攸便胡為乖枉從表方圓

耿耿僚志慊慊丘園善歌以詠言理成篇

日出東南隅行

以下  
五言

栢梁冠南山桂宮耀北泉晨風拂檐幌朝日照閨軒美  
人臥屏席懷蘭秀瑤璠皎潔秋松氣淑德春景暄闕

長歌行

倏爍夕星流昱奕朝露團粲粲鳥有停泫泫豈暫安徂  
齡速飛電頽節鶩驚湍覽物起悲緒顧已識憂端朽貌  
改鮮色悴容變柔顏變改苟催促容色烏盤桓疊疊衰  
期迫靡靡壯志闌既慙臧孫慨復愧揚子歎十陰果有

逝尺素竟無觀幸賒道念戚且取長歌歡

### 苦寒行

歲歲層冰合紛紛霰雪落浮陽滅清暉寒禽叫悲壑飢

麋煙不與渴汲水枯涸初學又載四句云樵蘇無夙飲鑿冰煮朝飡悲矣采薇唱苦哉

有餘酸

### 豫章行

短生旅長世恒覺白日歆覽鏡睨頽容華顏豈久期苟

無迴戈術坐觀落崦嶺

相逢行樂府作惠連今從藝文作靈運

行行即長道道長息班草邂逅賞心人與我傾懷抱夷

世信難值憂來傷人平生不可保陽華與春渥陰柯

長秋搞心慨榮去速情苦憂來早日華難久居憂來傷

人諄諄亦至老親黨近卹庇昵君不常好九族悲素

霰三良怨黃鳥邇朱白即頽憂來傷人近縞潔必造

水流理就濕火炎同歸燥賞契少能諧斷金斷可寶千

計莫適從當有憂來傷人四字萬端信紛繞巢林宜擇木結友

使心曉心曉形迹畧畧邇誰能了相逢既若舊憂來傷

人片言代紵縞

折楊柳行二首

鬱鬱河邊樹青青野田草舍我故鄉客將適萬里道妻  
妾牽衣袂拭淚沾懷抱還拊幼童子顧托兄與嫂辭訣  
未及終嚴駕一何早負笻引文舟飢渴常不飽誰令爾  
貧賤咨嗟何所道

騷屑出穴風揮霍見日雪颼颼無义搖皎皎幾時潔未  
覺泮春冰已復謝秋節空對尺素遷獨視寸陰滅否桑  
未易繫秦茅難重拔桑茅迭生運語默寄前哲

泰山吟

岱宗秀維岳崔萃刺雲天崖峩既嶮巖觸石輒芊綿

樂府

作千登封座崇壇降禪藏肅然石閭何掩藹明堂秘靈

篇

君子有所思行

總駕越鍾陵還顧望京畿躑躅周名都遊目倦

一作志

歸市屬無阨一作夾室世族有高闈密親麗華苑軒甍飭

通達孰是金張樂諒由燕趙詩長夜恣酣飲窮年弄音

徽盛往速露墜衰來疾風飛餘生不歡娛何以竟暮歸

寂寥曲肱子瓢飲療朝飢所秉自天性貧富豈相譏

悲哉行

陸士衡集亦載此詩  
誤也陸別有一首

萋萋春草生王孫遊有情差池鶯始飛天象桃一作始

榮灼灼桃悅色飛飛鶯弄聲檐上雲結陰澗下風吹清

幽樹雖改觀終始在初生松蔦歡蔓延膠葛欣藟紫眇

然遊宦子晤言時未并鼻感改朔氣眼一作傷變節榮

侘傺豈徒然澶一作漫絕音形風來不可託鳥去豈為

聽

會吟行

六引緩清唱三調佇繁音列筵皆靜寤咸共聆會唵會

唵自有初請從文命敷敷績壺翼始刊木至江汜列宿

炳天文負海橫地理連峯競千仞背流各百里漉池漑

稂稻輕雲暖松杞兩京愧佳麗三都豈能似層臺指坤

天高墉積崇雉飛鸞躍廣途鷓首戲清沚肆呈窈窕容

五臣路曜姬娟子自來彌世一作代賢達不可紀勾踐

善廢興越叟識行止范蠡出江湖梅福入城市東方就

旅逸梁鴻去桑梓牽綴書土風辭殫意未已

緩歌行

飛客結靈友凌空萃丹丘習習和風起采采彤雲浮一作

流娥皇發湘浦霄明出河洲宛宛連螭轡裔裔振龍旒

一作輶

○闕

燕歌行 七言

孟冬初寒節氣成悲風入閨霜依庭秋蟬噪柳燕辭

樂府

作楹念君行役怨邊城君何崎嶇久徂征豈無膏沐感

鶴鳴對君不樂淚沾纓闕開幌弄秦箏調絃促柱多

哀聲遙夜明月鑒帷屏誰知河漢淺且清展轉思服悲

明星又負蘇賦野海子數十日下各百里然出城

鞠歌行 以下雜言

德不孤兮必有鄰唱和之契真相因譬如虬虎兮來風

雲亦如形聲影響陳心歡賞兮歲易淪隱玉藏彩疇識

真叔牙顯夷吾親郢既歿匠寢斤覽古籍信伊人永言

知己感良辰

順東西門行

出西門眺雲間揮斤扶木墜虞泉信道人鑿徂川思樂

暫捨誓不旋閔九九傷牛山宿心載違徒昔言兢落運

務頽年招命儕好相追牽酌芳醑奏繁絃惜寸陰情固

然

上留田行

薄遊出彼東道上留田薄遊出彼東道上留田循聽一  
何轟轟上留田澄川一何皎皎上留田悠哉過矣征夫  
上留田悠哉過矣征夫上留田兩服上阪電遊彙作雷逝上  
留田舫舟下游颿驅上留田此別既久無適上留田此  
別既久無適上留田寸心繫在萬里上留田尺素遵此  
千夕上留田秋冬迭相去就上留田秋冬迭相去就上  
留田素雪紛紛鶴委上留田清風颿颿入袖上留田歲  
云暮矣增憂上留田歲云暮矣增憂上留田誠知運來  
詎抑上留田熟視年往莫留上留田

中興詩

三月三日侍宴西池詩四言

詳觀記牒鴻荒莫傳降及雲鳥曰聖則天虞承唐命周  
襲商艱江之永矣皇心惟眷矧乃暮春時物芳衍濫觴  
逶迤周流蘭殿禮備朝容樂闋夕宴

述祖德詩二首以下五言

序曰大元中王父龕定淮南負荷世業專主隆人逮  
賢相祖謝君子道消拂衣蕃岳考卜東山事同樂生



之時志期范蠡之舉

達人貴自我高情屬天雲兼抱濟物性而不纓垢氛段

生蕃

通作蕃

魏國展季救魯人弦高犒暗

舊作晉誤

師仲連卻

秦軍臨組乍不緹對珪寧肯分惠物辭所賞勵志故絕

人茗茗歷千載遙遙播清塵清塵竟誰嗣明哲垂

選作時

經綸委講綴

當作輟

道論改服康世屯屯難既云康尊主

隆斯民

中原昔喪亂喪亂豈解已崩騰永嘉末逼迫太元始河

外無反正江介有賊圯萬邦咸震懾橫流賴君子拯溺

由道情龕暴資神理秦趙欣來蘇燕魏遲文軌賢相謝

世運遠圖因事止高揖七州外拂衣五湖裏隨山疏濬

潭傍巖藝枌梓遺情捨塵物貞觀丘壑美

九日從宋公戲馬臺集送孔令

季秋邊朔苦旅鴈遠霜雪淒淒陽卉腓皎皎寒潭絜

絜同

良辰感聖心雲旗興暮節鳴葭戾朱宮蘭卮獻時哲餞

宴光有孚和樂隆所缺在宥天下理吹萬群方悅歸客

遂海隅脫冠謝朝列弭棹薄枉渚指景待樂闋河流有

急瀾浮駮無緩轍豈伊川途念宿心愧將別彼美丘園

道喟焉傷薄劣

從遊京口北固應詔

玉璽戒誠信黃屋示崇高事為名教用道以神理超昔  
聞汾水游今見塵外鑣鳴笳發春渚稅鑿登山椒張組  
眺倒景列筵矚歸潮遠巖映蘭薄白日麗江臯原隰萋  
綠柳墟囿散紅桃皇心羨陽澤萬象咸光昭顧已枉維  
繫撫志慙場苗工拙各所宜終以反林巢曾是縈舊想  
覓物奏長謔

永初三年七月十六日之郡初發都

述職期闌暑理棹變金素秋岸澄夕陰火旻團朝露辛  
苦誰為情遊子值頽暮愛似莊念昔以敬曾存故如何  
懷土心持此謝遠度李牧愧長袖郤克慙躡步良時不  
見遺醜狀不成惡曰余亦支離依方早有慕生幸休明  
世親蒙英達顧空班趙氏璧徒乖魏王瓠從來漸二紀  
始得傍歸路將窮山海迹永絕賞心悟

鄰里相送至方山

祗役出皇邑相期憇甌越解纜及流潮懷舊不能發析  
析就衰林皎皎明秋月含情易為盈遇物難可歇積疴

謝生慮寡欲罕所關資此永幽棲豈伊年歲別各勉日  
新志音塵慰寂茂

過始寧墅

束髮懷耿介逐物遂推遷  
遠志似如昨二紀及茲年  
緇磷謝清曠疲薶慙貞堅  
拙疾相倚薄還得靜者便  
剖竹守滄海枉帆過舊山  
山行窮登頓水涉盡洞泐  
巖峭巖稠疊洲縈渚連絲  
白雲抱幽石綠篠媚清漣  
葺宇臨廻江築觀基曾巔  
揮手告鄉曲三載期歸旋  
且為樹粉檣無令孤願言

富春渚

宵濟漁浦潭旦及富春郭  
定山緬雲霧赤亭無淹薄  
溯流觸驚急臨圻阻參錯  
亮乏伯昏分險過呂梁壑  
洊至宜便習兼山貴止託  
平生協幽期淪躋困微弱  
久露干祿請始果遠游諾  
宿心漸申寫萬事俱零落  
懷抱既昭曠外物徒龍蠖

七里瀨

羈心積秋晨晨積展遊眺  
孤客傷逝湍徒旅苦奔峭  
石淺水潺湲日落山照曜  
荒林紛沃若哀禽相叫嘯  
遭物

悼遷斥存期得要妙既秉上皇心五臣作情豈屑末代誚自  
覩嚴子瀨想屬任公釣誰謂古今殊異代可同調

晚出西射堂

步出西城

集作掖

門遙望城西岑連障疊巘崿青翠杳深

沉曉霜楓葉丹夕曛嵐氣陰節往感不淺感來念已深  
羈雌戀舊侶迷鳥懷故林含情尚勞愛如何離賞心撫  
鏡華緇鬢攬帶緩促衿安排徒空言幽獨賴鳴琴

登池上樓

潛虬媚幽姿飛鴻響遠音薄霄愧雲浮棲川作淵沈進  
德智所拙退耕力不任徇祿反窮海卧痾對空林衾枕  
昧節候褰開暫窺臨傾耳聆波瀾舉目眺嶇嶽初景革  
緒風新陽改故陰池塘生春草園柳變鳴禽祁祁傷幽  
歌萋萋感楚吟索居易永久離群難處心持操豈獨古  
無悶徵在今

遊南亭

時竟夕澄霽雲歸日西馳密林含餘清遠峯隱半規久  
晦昏墊苦旅館眺郊岐澤蘭漸被徑芙蓉始發池未厭  
青春好已觀朱明移戚戚感物歎星星白髮垂藥餌情

所止衰疾忽在斯  
逝將候秋水息景  
偃舊崖我志誰與  
亮賞心惟良知

遊赤石進帆海

首夏猶清和芳草亦未歇  
水宿淹晨暮陰霞屢興沒  
周覽倦瀛壖况乃凌窮髮  
川后時安流天吳靜不發  
揚帆採石華掛席拾海月  
溟漲無端倪虛舟有超越  
仲連輕齊組子牟眷魏闕  
矜名道不足適已物可忽  
請附任公言終然謝天伐

登江中孤嶼

江南倦歷覽江北曠周旋  
懷新道轉迥尋異景不延亂  
流趨正絕五臣作孤嶼媚中川  
雲日相輝映空水共澄鮮  
表靈物莫賞蘊真誰為傳  
想像崑山姿緬邈區中綠  
始信安期術得盡養生年

登永嘉綠嶂山詩

褰糧杖輕策懷遲上幽室  
行源徑轉遠距陸情未畢  
澹漱結寒姿團欒潤霜質  
澗委水屢迷林迥巖逾密  
眷西謂初月顧東疑落日  
踐一作殘夕奄昏曙蔽翳皆周  
悉蠱上貴不事履二美貞吉  
幽人常坦步高尚邈難匹  
願阿

竟何端寂寂寄抱一恬如既已交繕性自此出

郡東山望溟海詩一作東山望海

開春獻初歲白日出悠悠蕩志將愉樂瞰海庶忘憂策

馬步蘭皋縹控息椒丘采蕙遵大薄塞若履長洲白花

皜陽林紫蘂一作翬春流非徒不弭忘覽物情彌道萱

蘇始無慰寂寞終可求

遊嶺門山詩

西京誰修政龔汲稱良吏君子豈定所清塵慮不嗣早

蒞建德鄉民懷虞芮意海岸常寥寥空館盈清思協以

上冬月晨遊肆所喜千圻邈不同萬嶺狀皆異威摧三

山峭滌汨兩江駛漁舟一作商豈安流樵拾謝西苑人生

誰云樂貴不屈所志

石室山詩

清旦索幽異放舟越坳郊苒苒蘭渚急藐藐苔嶺高石

室冠林陬飛泉發山椒虛泛徑千載崢嶸非一朝鄉村

絕聞見樵蘇限風霄微戎無遠覽總筭羨升喬靈域久

韜隱如與心賞交合歡不容言摘芳弄寒條

登上戍石鼓山詩

旅人心長久憂憂自相接故鄉路遙遠川陸不可涉汨  
汨莫與娛發春托登躡歡願既無並戚慮庶有協一作怯  
極目睽左闊迴顧眺右狹日未澗增波雲生嶺逾疊白  
芷競新苔綠蘋齊初葉摘芳芳靡諼愉樂樂不燮佳期  
緬無像騁望誰云愜

行田登海口盤嶼山

羈苦孰云慰觀海藉朝風莫辯洪波極誰知大壑東依  
稀採菱歌彷彿含嘖容遨遊碧沙渚遊衍丹山峯入土

白石巖下徑行田

小邑居易貧災年民無生知淺懼不周愛深憂在情舊  
蓄橫海外蕪穢積頽齡饑饉不可久甘心務經營千頃  
帶遠堤萬里瀉長汀洲流涓澮合連統塍埒并雖非楚  
宮化荒闕亦黎萌雖非鄭白渠每歲望東京天鑒儻不  
孤來茲驗微誠

入不下齋中讀書

昔余遊京華未嘗廢丘壑矧乃歸山川心跡雙寂寞虛  
館絕諍訟空庭來鳥雀卧疾豐暇豫翰墨時閒作懷抱  
觀古今寢食展戲謔既笑沮溺苦又哂子雲閣執戟亦

以疲耕稼豈云樂萬事難並歡達生幸可託

命學士講書

卧病同淮陽宰邑曠武城弦歌愧言子清淨謝伏生古  
人不可攀何以報恩榮時往歲易周聿來政無成曾是  
展予心招學講群經鑠金既云刃疑土亦能劍望爾志  
尚隆遠嗣竹箭聲敢謂荀氏訓且布一作有蘭陵情待罪  
豈久期禮樂俟賢明

種桑詩

詩人陳條柯亦有美攘剔前脩為誰故後事資紡績常  
佩知方誠愧微富教益浮陽驚嘉月藝桑迨閒隙踈欄  
發近郭長行達廣場曠流始比泉酒塗猶跬跡俾此將  
長成慰我海外役



詩紀卷之四十七

詩紀卷之四十八

宋四

謝靈運

初去郡

彭薛裁知耻貢公未遺榮或可優貪競豈足稱達生伊

予秉微尚拙訥謝浮名廬園當棲巖卑位代躬耕顧已

雖自許心迹猶未并無庸方

選作妨

周任有疾像長卿畢

娶類尚子薄游似邴生恭承古人意促

五臣作傲

裝返柴荆

牽絲及元興解龜在景平負心二十載於今廢將迎理

棹過還期遵渚驚脩垆溯溪終水涉登嶺始山行野曠  
沙岸淨天高秋月明憇石挹飛泉攀林蹇落英戰勝臞  
者肥鑿止流歸停即是義唐化獲我擊壤情一作聲

田南樹園激流植援

樵隱俱在山由來事不同不同非一事養病亦園中中

園一作園中屏氛雜清曠招遠風卜室倚北阜啓扉向南江

激澗代汲井插槿當列墉群木既羅戶衆山亦當善作對

窓靡迤趨下田五臣作岫迢遙瞰高峯寡欲不期勞即事罕

人功唯聞蔣生徑永懷求羊蹤賞心不可忘妙善冀能

同

石壁精舍還湖中作

昏旦變氣候山水含清暉清暉能娛人游子澹忘歸出

谷日尚早入舟陽已微林壑歛暝色雲霞收夕霏芳荷

迭映蔚蒲稗相因依披拂趨南逕愉快偃東扉慮澹物

自輕意愜理無違寄言攝生客試用此道推

登石門最高頂

晨策尋絕壁夕息在山棲疏峯抗高館對嶺臨迴溪長

林羅戶穴一作庭積石擁階基連巖覺路塞密竹一作徑迷

來人忘新術去子惑故蹊活活夕流駛噉噉夜  
猿啼沈  
冥豈別理守道自不攜心契九秋幹目翫三春  
夷居常  
以待終處順故安排惜無同懷客共登青雲梯

石門新營所住四面高山迴溪石瀨六林脩竹

躋險築幽居披雲卧石門苔滑誰能步葛弱豈可捫嫻

嫻秋風過萋萋春草繁美人遊不還佳期何由敦芳塵

疑瑤席清醕滿金罇洞庭空波瀾桂枝徒攀翻結念屬

霄漢孤景莫與諉俯濯石下潭仰看條上猿早聞夕風

急晚見朝日瞰崖傾光難留林深響易奔感往慮有復

理來情無存瘵持乘日車選作得以慰營魂匪為衆人

說異與智者論

於南山往北山經湖中瞻眺

朝旦發陽崖景落憇陰峯舍舟眺迴渚停策倚茂松側  
逕旣窈窕環洲亦玲瓏俛視喬木杪仰聆大壑淙石橫  
水分流林密蹊絕蹤解作竟何感升長皆丰容初篁苞  
綠籜新蒲含紫茸海鷗戲春岸天鷄弄和風撫化心無  
厭覽物眷彌重不惜去人遠但恨莫與同孤遊非情歎  
賞廢理誰通

從斤竹澗越嶺溪行

猿鳴誠知曙谷幽光未顯巖下雲方合花上露猶泫透  
迤傍隈隩迢迢陟陁峴過澗既厲急登棧亦陵緬川渚  
屢徑復乘流翫廻轉蘋萍泛沈深菰蒲冒清淺企石挹  
飛泉攀林摘葉卷想見山阿人薜蘿若在眼握蘭動徒  
結折麻心莫展情用賞為美事昧竟誰辯觀此遺物慮  
一悟得所遣

過白岸亭詩

拂衣遵沙垣緩步入蓬屋近澗涓密石遠山映踈木空  
翠難強名漁釣易為曲援蘿聆青崖春心自相屬交交  
止栩黃啣啣食萍鹿傷彼人百哀嘉爾承筐樂榮悴迭  
去來窮通成休憾未若長踈散萬事恒抱朴

夜宿石門詩

拾遺作石門  
岩上宿

朝寒苑中蘭畏彼霜下歇暝還雲際宿弄此石上月鳥  
鳴識夜棲木落知風發異音同至聽殊響俱清越妙物  
莫為賞芳醕誰與伐美人竟不來陽阿徒晞髮

南樓中望所遲客

杳杳日西頽漫漫長路迫登樓為誰思臨江遲來客與

我別所期期在三五夕圓景早已滿佳人殊五臣作猶未適  
即事怨睽攜感物方悽感孟夏非長夜晦明如歲隔瑤  
華未堪折蘭若已屢摘路阻莫贈問云何慰離析搔首  
訪人行引領冀良覲

廬陵王墓下作

曉月發雲陽落日次朱方含悽泛廣川灑淚眺連岡眷  
言懷君子沉痛切中腸道消結憤懣運開申悲涼神期  
恒若存德音初不忘祖謝易永久松柏森已行延州協  
心許楚老惜蘭芳解劍竟何及撫墳徒自傷平生疑若  
人通蔽互相妨理感心情慟定非識所將脆促良可哀  
天枉特蕪常一隨徃化滅安用空名揚舉聲泣已瀝長  
歎不成章

還舊園作見顏范二中書

辭滿豈多秩謝病不待年偶與張邴合久欲還東山聖  
靈昔廻眷微尚不及宣何意衝飈激烈火縱炎煙焚玉  
發崑峯餘燎遂見遷投沙理旣迫如邛願亦愆長與歡  
愛別永絕平生緣浮舟千仞壑總轡萬尋巔流沫不足  
險石林豈為艱閩中安可處日夜念歸旋事躡雨如直

心慙三避賢託身青雲上棲巖挹飛泉盛明盪氛昏貞  
休康屯遭殊方感成貸微物豫采甄感深操不固質弱  
易拔纏曾是反昔園語往實欵然曩基即先築故池不  
更穿果木有舊行壞石無遠延雖非休憇地聊取永日  
閑衛生自有經息陰謝所牽夫子照清素採懷授往篇

酬從弟惠連

五章 惠連西陵遇  
風獻康樂詩見本集

寢瘵謝人徒滅迹入雲峯巖壑寓耳目歡愛隔音容永  
絕賞心望長懷莫與同末路值令弟開顏披心胷  
心胷既云披意得咸在斯凌澗尋我室散帙問所知夕

慮曉月流朝已曛日馳悟對無厭歇聚散成分離

分離別西川廻景歸東山別時悲已甚別後情更延傾  
想遲嘉音果枉濟江篇辛勤風波事欵曲洲渚言

洲渚既淹時風波子行違務協華京想詎存空谷期猶  
復惠來章祇足攬余思儻若果歸言共陶暮春時  
暮春雖未交仲春善遊遨山桃發紅萼野蕨漸紫苞鳴  
嬰已悅豫幽居猶鬱陶夢寐佇歸舟釋我吝與勞

登臨海嶠初發疆中作與從弟惠連可見羊何

共和之

四章 集作登臨海  
嶠與從弟惠連一首

杪秋尋遠山山遠行不近與子別山阿含酸赴脩畛中  
流袂就判歆去情不忍顧望脰未愴汀曲舟已隱

隱汀絕望舟驚棹逐

一作逾

驚流歆抑一生歡并奔千里

遊日落當棲薄繫纜臨江樓豈惟夕情歆憶爾共

淹留

淹留昔時歡復增今日歎茲情已分慮况乃協悲端秋  
泉鳴北澗哀猿響南巒戚戚新別心悽悽久念攢

攢念攻別心旦發清溪陰暝投剡中宿明登天姥岑高  
高人雲霓還期那可尋儻遇浮丘公長絕子徽音

### 初發石首城

白珪尚可磨斯言易為緇雖抱中孚爻猶勞貝錦詩寸  
心若不亮微命察如絲日月垂光景成貸遂蕪茲出宿  
薄京畿晨裝搏魯颶重經平生別再與朋知辭故山日  
已遠風波豈還時迢迢萬里帆茫茫終何之遊當羅浮  
行息必廬霍期越海陵三山遊湘歷九疑欽聖若旦暮  
懷賢亦悽其皎皎明發心不為歲寒欺

### 入東道路詩

整駕辭金門命旅惟詰朝懷居顧歸雲指塗汧行颺屬  
值清明節榮華感和韶陵隰繁綠杞墟囿粲紅朶鳴鳴鳥

翬方雉織織來垂苗隱軫邑里密緬邈江海遼滿日皆  
古事心賞貴所高魯連謝千金延州權去朝行路既經  
見願言寄吟誼

道路憶山中

采菱調易急江南歌不緩楚人心昔絕越客腸今斷斷  
絕雖殊念俱為歸慮歎存鄉爾思積憶山我憤懣追尋  
栖息時偃卧任縱誕得性非外求自已為誰纂不怨秋  
夕長常一作恒苦夏日短濯流激浮湍息陰倚密竿懷故  
叵新歡含悲忘春暖悽悽明月吹惻惻廣陵散殷勤訴

危柱慷慨命促管

不勝景入彭蠡湖口

客遊倦水宿風潮難具論洲島驟迴合圻岸屢崩奔乘  
月聽哀狔澗露馥芳蓀春晚綠野秀巖高白雲屯千念  
集日夜萬感盈朝昏攀崖照石鏡牽葉入松門三江事  
多往九派理空存靈物宏珍恠異人秘精魂金膏滅明  
光水碧綴五臣作輟流温徒作千里曲絃絕念彌敦

入華子崗是麻源第三谷

南州實炎德桂樹凌寒山銅陵映碧澗石磴瀉紅泉既



枉隱淪客亦棲肥道賢險徑無測度天路非術阡遂登  
群峯首邈若升藝文類聚作騰雲煙羽人絕髣髴丹丘徒空筌  
圖牒復磨滅碑版誰聞傳莫辯百代後安知千載前且  
申獨往意乘月弄潺湲恒充俄頃用豈為古今然

發歸瀨三瀑布望兩溪

我行乘日垂放舟候月圓沫江免風濤涉清弄漪連積  
石竦兩溪飛泉倒三山亦既窮登陟荒藹橫目前窺巖  
不覩景披林豈見天陽烏尚傾翰幽篁未為遭退尋平  
常時安知巢穴難風雨非攸恠擁志誰與宣倘有同枝

條此日即千年

初往新安桐廬口

締綌雖淒其授衣尚未至感節良已深懷古亦云一作徒役  
思不有千里棹孰申百代意遠協尚子心遙得許生計  
既及冷風善又即秋水駛江山共開一作開曠雲日相照  
媚景夕群物清對玩咸可憇

擬魏太子鄴中集詩八首并序

建安末余時在鄴宮朝遊夕讌究歡愉之極天下良  
辰美景賞心樂事四者難并今昆弟友朋二三諸彦

共盡之矣古來此娛書籍未見何者楚襄王時有宋  
玉唐景梁孝王時有鄒枚嚴馬遊者美矣而其主不  
文漢武帝徐樂諸才備應對之能而雄猜多忌豈獲  
晤言之適不誣方將庶必賢於今日爾歲月如流零  
落將盡撰文懷人感往增愴其辭曰

魏太子

百川赴巨海衆星環北辰照灼爛霄漢遙裔起長津天  
地中橫潰家王五臣拯生民區宇既蕩滌群英必來臻  
忝此欽賢性由來常懷仁况值衆君子傾心隆日新論

物靡浮說折理實敷陳羅縷豈闕辭窈窕究天人澄觴  
滿金罍連榻設華茵急絃動飛聽清歌拂梁塵莫善作

言相遇易此歡信可珍

王粲

家本秦川貴公子孫遭亂流寓自傷情多

幽厲昔崩亂桓靈今板蕩伊洛既燎煙函嶠沒無像五臣

作象整裝辭秦川秣馬赴楚壤沮漳自可美客心非外獎

常歎詩人言式微何由往上宰奉皇靈侯伯咸宗長雲

騎亂漢南宛善作郢皆掃盪排霧屬盛明披雲對清朗

慶泰欲重疊公子特先賞不謂息肩願一旦值明兩並  
載遊鄴京方舟汎河廣綢繆清讌娛寂寥梁棟響既作  
長夜飲豈顧乘日養

陳琳

袁本初書記之士故述喪亂事多

皇漢逢迤邐天下遭氛慝董氏淪關西袁家擁河北單

民五臣作人易周章窘身就羈勒豈意事乖已永懷戀故國

相公實勤王信能定螿賊復覩東都輝重見漢朝則餘  
生幸已多矧迺值明德愛客不告疲飲讌遺景刻夜聽

極星爛

五臣作關

朝遊窮曠黑哀哇動梁埃急觸盪幽默且

盡一日娛莫知古來惑

徐幹

少無宦情有箕顛之心事故仕世多素辭

伊昔家臨淄提攜弄齊瑟置酒飲膠東淹留憇高密此  
歡謂可終外物始難畢挫蕩箕濮情窮年迫憂慄末塗  
幸休明棲集建薄質已免負薪苦仍游椒蘭室清論事  
究萬美話信非一行觴奏悲歌永夜繫五臣作繼白日華屋  
非蓬居時髦豈余匹中飲顧昔心悵焉若有失

劉楨

卓犖偏人而文最有氣所得頗經奇

貧居晏里閑少小長東平河充當衝要淪飄薄許京廣

川無逆流招納厠群英北渡黎陽津南登宛善作紀郢城

既覽古今事頗識治亂情歡友相解達敷奏究平生矧

荷明哲顧知深覺命輕朝遊牛羊下暮坐拈揭鳴終歲

非一日傳危弄清聲辰事既難諧歡願如今并唯羨肅

肅翰繽紛戾高冥

應瑒

汝穎之士流離世故頗有飄薄之嘆

嗷嗷雲中鴈舉翮自委羽求涼弱水涓遠寒長沙渚顧

我梁五臣作涼川時緩步集穎許一旦逢世難淪薄恒羈旅

天下昔未定託身早得所官渡厠一卒烏林預艱阻晚

節值衆賢會同庇天宇列坐廕華棖金樽盈清醕始奏

延露曲繼以闌夕語調笑輒酬答朝諛無慙沮傾軀無

遺慮在心良已叙

阮瑀

管書記之任故有優渥之言

河洲多沙塵風悲黃雲起金羈相馳逐聯翩何窮已慶  
雲惠優渥微薄攀多士念昔渤海時南皮戲清泚今復  
河曲遊鳴葭汎蘭汎躡步陵丹梯並坐侍君子妍談既  
愉心哀音一作弄信睦耳傾酷係芳醕酌言豈終始自從  
食萍來唯見今日美

天不昔夫平原侯植

公子不及世事但羨遨遊然頗有憂生之嗟  
朝遊登鳳閣日暮集華沼傾柯引弱枝攀條摘蕙草徒  
倚窮騁望目極盡所討西顧太行山北眺邯鄲道平衢  
脩且直白揚信曩曩副君命飲宴歡娛寫懷抱良遊匪  
晝夜豈云晚與早衆賓悉精妙清辭灑蘭藻五臣作蘭蒲哀  
音下迴鶴餘哇徹清昊中山不知醉飲德方覺飽願以  
黃髮期養生念將老

石壁立招提精舍

四城有頃躋三世無極已浮歡昧眼前沉照貫終始壯  
齡緩前期頽年追昔吞齒揮霍夢幻頃飄忽風電起良緣  
迨未謝時逝不可俟敬擬靈鷲山尚想祇洹軌絕溜飛  
庭前高林映窻裏禪室栖空觀講宇析妙理

過瞿溪山僧

迎旭凌絕嶝映泓泓却淑浦鑛燧斷山木掩岸堦石戶結  
架非丹甍藉田資宿莽同遊息心客曖然若可睹清霄  
颺浮煙空林響法鼓忘懷狎鷗鯢攝生馴兕虎望嶺眷  
靈鷲延心念淨土若乘四等觀永拔三界苦

七夕詠牛女

火逝首秋節新明弦月夕月弦光照戶秋首風入隙凌  
峰步曾崖藝文作岑憑雲肆遙脉徒倚西北庭竦踊東南觀  
紈綺無報章河漢有駿軛

彭城宮中直感歲暮

草草眷徂物契契矜歲殫楚艷起行戚吳趨絕歸懽脩  
帶緩舊裳素髮改朱顏晚暮悲獨坐藝文作已鳴鶻歇春蘭

歲暮以下五首文闕

殷憂不能寐苦此夜難顏明月照積雪朔風勁初學作清且  
哀運往無淹物年逝覺已藝文作易催

登廬山絕頂望諸嶠

積峽忽復啓平塗俄已閉巒隴有合沓往來無蹤轍晝  
夜蔽日月冬夏共霜雪

夜發石關亭

隨山踰千里浮溪將十夕鳥歸息舟楫星闌命行後亭  
亭曉月映泠泠朝露滴

荅謝惠連

懷人行千里我勞盈十旬別時花灼灼別後葉蓁蓁

初發入南城

弄波不輟手玩景豈停目雖未登雲峰且以歡水宿

東陽溪中贈荅二首

可憐誰家婦緣流洒一作洗素足明月在雲間迢迢不可

得

可憐誰家郎緣流乘素舸但問情若為月就雲中墮

作離合

古人怨信次十日眇未央加我懷繾綣口脉情亦傷劇

哉歸遊客處子勿相忘

別

詩一首

宋書本傳曰靈運為孟覬所表帝惜其才不  
罪以為臨川內史在郡遊放不異永嘉為有  
司所糾司徒遣隨州從事收  
之靈運與兵叛逆為詩曰

韓亡子房奮秦帝魯連耻本自江海人忠義感君子

臨終詩

梁書本傳曰靈運既被擒文帝以謝玄勳參微管宜宥及後嗣降死徙廣州又為有司所奏請依法收治詔於廣州棄市臨刑作詩曰

龔勝無餘生李業有終盡嵇公理既迫霍生命亦殞悽

悽後一作霜栢納納衡風菌邂逅竟無時一作脩短非

所愍恨我君子志不得巖下泯送心正覺前斯痛久已

忍唯願乘來生怨親同心朕

王子晉讚贊例不錄以其近五言詩附存之

淑質非不麗難以之百年儲宮非不貴豈若登雲天王

子愛清淨區中寔器誼冀見浮丘公與爾共續翻

巖下見一老翁四五少年讚

盛弘之荆川記初有採藥衡山見一老翁四五年少對坐執書劉敬叔異苑曰湘東姚祖太元中為郡吏經衡山望嶺下數少年並執筆作書祖謂行旅休息乃過之未至百步少年相與飛颺遺一紙書在坐處前數句古時字自後皆鳥

衡山採藥人路迷糧亦絕過息巖下坐正見相對說一

老四五少仙隱不可別其書非世教其人必賢哲

維摩經十譬贊

維摩經云是身如聚沫深浴強忍是身如泡不得久立是身如野馬渴愛疲勞是身如芭



蕉中無有堅是身如幻轉受報應是身如夢  
其現恍忽是身如影行照而現是身如嚮因  
緣變失是身如霧意無靜  
想是身如電為分散法

### 聚沫泡合

水性本無泡激流遂聚沫即異成狀貌消散歸虛豁君  
子識根本安事勞與奪愚俗駭變化橫復生欣怛

### 燄

性內相表狀非炎安知火新新相推移熒熒非向我如  
何滯著人終歲迷因果

### 芭蕉

生分本多端芭蕉知不一含萼不結核敷華何由實至  
人善取譬無宰誰能律莫昵緣合時當視分散日

### 聚幻

幻工作同異誰謂復非真一從逝物過既往亦何陳謬  
者疑久近達者皆自賓勿起離合情會無百代人

### 夢

覺謂寢無知寐中非無見意狀盈眼前好惡迭一作萬

變既悟眇已往惜為浮物戀孰視婆娑盡寧當非赤縣

### 影響合

影響順形聲資物故生理一旦揮霍去何因相像似群  
有靡不然昧漠乎自己四色尚無本八微歆安恃

浮雲

泛濫明月陰蒼蔚南山雨能為變動用在我竟無取俄  
已就飛散豈復得攢聚諸法既無我何由有我所

電

倏爍驚電過可見不可逐恒物生滅後誰復覈遲速慎  
勿空留念橫便神理而發已道易乎忘情長之福

詩紀卷之四十八

詩紀卷之四十九

宋五

謝瞻

字宣遠六歲能屬文與從叔混族弟靈運俱有盛名晉義熙中為安城太守宋初除中書侍郎

以弟晦當朝乃求出守豫章遇病卒

九日從宋公戲馬臺集送孔令詩

風至授寒服霜降休百工繁林收陽彩密苑解華叢  
幕無留鸞導渚有來五臣鴻輕霞冠秋日迅商薄清

聖心眷嘉節揚鑿戾行宮四筵霑芳醴中堂起絲桐扶

光迫西汜歡餘

初學作餘歡

宴有窮逝矣將歸客養素克有

終臨流怨莫從歡心歎飛蓬

答靈運

一作答康樂秋霽詩

夕霽風氣涼閑房有餘清開軒滅華燭月露皓五臣作浩巴  
盈獨夜無物後寢者亦云空易心獲愁霖唱懷勞奏所誠  
善作歎彼行旅艱深茲眷言情伊余雖寡慰殷憂暫為  
輕率率酬嘉藻長揖愧吾生

於安城答靈運

五章

條繁林彌蔚波清源逾濬華宗誕吾秀之子紹前胤綢  
繆結風微烟煜吐芳訊鴻漸隨事變雲五臣作靈臺六年

華萼相光飾嬰鳴

五臣作嬰

悅同響親親子敦余賢賢吾

爾賞比景後鮮輝方年一日長萎葉愛榮條涸流好河

廣

徇業謝成操復禮愧貧樂幸會果代耕符守江南

五臣作南

江曲履運傷荏苒遵塗歎緬邈布懷存所欽我勞一何

篤

肇允雖同規翻飛各異槩迢遞封畿外窈窕承明內尋

塗塗既睽即理理已

五臣一作亦

對絲路有恒悲矧迺在吾

愛

跬行安步武鍛翻周數仞豈不識高遠遠方往有各歲  
寒霜雪嚴過半路逾峻量已畏友朋勇退不敢進行矣  
勵令猷寫誠酬來訊

王撫軍庾西陽集別時為豫章太守庾被徵還

東

集曰謝還豫章庾被徵還都  
王撫軍送至盆口南樓作

祇召旋北京守官反

五臣  
作及

南服方舟析舊知對遙曠明

牧舉觴矜飲餞指途念出宿來晨無定端別畧有成速  
頽陽照通津夕陰曖平陸榜人理行艫輶軒命歸僕公  
手東城闥發權西江隩離會雖相雜逝川豈徃復誰謂

情可書盡言非尺牘

張子房詩

王風哀以思周道蕩無章卜洛易隆替興亂罔不亡力  
政吞九鼎苛慝暴三殤息肩纏民思靈鑒集朱光伊人  
感代工聿來扶興王婉婉幙中畫輝輝天業昌鴻門銷  
薄蝕垓下隕撓槍爵仇建蕭宰定都護儲皇肇允契幽  
叟翻飛指帝鄉惠心奮千祀清埃播無疆神武睦三正  
裁成被八荒明兩燭河陰慶霄薄汾陽鑿於五臣歷類  
寢飾像薦嘉嘗聖心豈徒甄惟德在無忘逝者如可作

揆子慕周行濟濟屬車士粲粲翰墨場瞽夫違盛觀竦  
踊企一方四達雖平直蹇步愧無良飡和忘微遠延首

詠太康

謝惠連

丹陽尹方明之子十歲能屬文元嘉元年為彭城王法曹參軍年三十七卒○詩品云小

謝詩才思富捷恨其蕭玉風凋故長壽未聘秋懷擣衣之作雖復靈運銳思亦何以加焉又工為麗

歌謠風人第一

秋胡行二首

以下四言

春日遲遲桑何萋萋紅桃含天綠柳舒萋邂逅粲者游

一作渚戲蹊華顏易改良願難諧

係風捕影誠知不得念彼奔波意慮迴惑漢女倏忽洛

神飄揚空勤交甫徒勞陳王

隴西行

運有榮枯道有舒屈潛保黃裳顯服朱黻誰能守靜棄

華辭榮窮谷是處考槃是營千金不迴百代傳名厥包

者柚忘憂者萱何為有用自乖中原實摘柯摧葉殞條煩

豫章行

以下五言

軒帆遡途路薄送瞰遐江舟車理殊緬密友將遠從九

里樂同潤二華念分峯集歡豈今發離歎自古鍾促生

靡緩期迅景無遲蹤緇髮迫多素憔悴謝華芊婉婉寡  
留畧窈窕閉淹龍如何阻行止憤愠結心膏旣微達者  
度歡戚誰能封願子保淑慎良訊代徽容

塘上行

芳萱秀陵阿菲質不足營幸有忘憂用移根託君庭垂  
穎臨清池擢彩仰華薨霑溼雲雨潤歲蕤吐芳馨願君  
春傾葉留景惠餘明

却東西門行

慷慨發相思惆悵戀音徽四節競闌候六龍引續機人  
生隨時變遷化焉可祈百年難必保千慮盈懷之

代悲哉行

樂府作惠連鮑  
照集亦載此

羈人感淑節緣感歎回轍我行詎幾時華實驟舒結覩  
實情有悲瞻華意無悅覽物懷同志如何復乖別翩翩  
翔禽羅關關鳴鳥列翔鳴常疇偶所歎獨乖絕

燕歌行

七言

四時推遷迅不停三秋蕭瑟葉解輕飛霜被野鴈南征  
念君客遊羈思盈何為淹留無歸聲愛而不見傷心情  
朝日潛輝華燈明林鵲同栖渚鴻并接翮偶羽依蓬瀛

仇依旅類相和鳴余獨何為志無成憂綠物感淚沾纓

猛虎行

以下雜言

貧不攻九嶷玉倦不憇三危峯九嶷有惑號三危無安  
容美物標貴用志士勵竒蹤如何祇遠役王命宜肅恭  
伐鼓功未著振旅何時從

又云猛虎潛深山長嘯自生風人謂客行樂客行苦心傷

鞠歌行

翔馳騎千里姿伯樂不舉誰能知南荆璧萬金貫卞和  
不斲與石離年難留時易墮厲志莫賞徒勞疲沮齊音  
溺趙吹匠石善運郢不危古綿眇理參差單心慷慨雙

淚垂

前緩聲歌

羲和織阿去嵯峨覩物知命使余轉歆悲歌憂戚人心  
膏處山勿居峯在行勿為公居峯大阻銳為公遇讒蔽  
雅琴自踈越雅韻能揚揚滑滑相混同終始福祿豐

三月三日曲水集

一作上巳曲水集○以下五言

四時著平分三春稟融爍遲遲和景婉夭夭園桃灼携

朋適

藝文作斯

郊野昧爽

藝文作旦

辭廓廓蜚雲興翠嶺芳飈起

華薄解纒偃崇丘藉草繞迴壑際渚羅時款託波汎輕

爵

沅南湖至石帆

軌息陸塗初柁鼓川路始漣漪  
繫波漾參差層峯峙蕭  
疎野趣生逶迤白雲起登陟  
苦跋涉瞬眴樂心耳即翫  
翫有竭在興興無已

西陵遇風獻康樂

五章

我行指孟春春仲尚未發  
趣途遠有期念離情無歇成  
裝候良辰漾舟陶嘉月瞻塗  
意少悰還顧情多闕

哲兒感此別相送越垌林  
飲餞野亭館分袂澄湖陰悽  
悽留子言眷眷浮客心迴塘  
隱艫棹遠望絕形音

靡靡即長路戚戚抱遙悲  
悲遙但自弭路長當語

五臣作問

誰行行道轉遠去去情彌遲  
昨發浦陽汭今宿浙

江

屯雲蔽魯嶺驚風湧飛流零  
雨潤墳澤落雪灑林丘浮

氛晦崖巘積素惑原疇曲汜  
薄停旅

五臣作依

通川絕

行

臨津不得濟佇楫阻風波  
蕭條洲渚際氣色少諧和西

瞻

五臣作曠

興游歎東睇起悽歌積憤成  
疾疴無萱將何如

代古

一作擬客從遠方來

客從遠方來贈我鵠文綾  
貯以相思篋絨以同心繩裁



為親身服著以俱寢與別來經年歲歡心不可凌瀉酒  
置井中誰能辨斗升合如杯中水誰能判淄渾

### 秋懷

平生無志意少小嬰憂患如何乘苦心矧復值秋晏皎  
皎天月明奕奕河宿爛蕭瑟含風蟬寥唳度雲鴈寒商  
動清閨孤燈暖幽幔耿介繁慮積展轉長宵半夷險難  
預謀倚伏昧前算雖好相如達不同長卿慢頗悅鄭生  
偃無取白衣官未知古人心且從性所翫賓至可命觴  
朋來當染翰高臺驟登踐清淺

五臣作波

時陵亂頽鬼不再

圓傾羲無兩旦金石終銷毀丹青斲彫煥各勉玄髮歡  
無貽白首嘆因歌遂成賦聊用布親串

### 擣衣

衡紀無淹度晷運倏如催白露滋園菊秋風落庭槐肅  
肅莎雞羽烈烈寒螿啼夕陰結空幕宵月皓中閨美人  
戒裳服端飾相招攜簪玉出北房鳴金步南階欄高砧  
響發楹長杵聲哀微芳起兩袖輕汗染雙題紈素既已  
成君子行未歸裁用笥中刀縫為萬里衣盈篋自余手  
幽絨俟君開腰帶淮疇昔不知今是非

泛湖歸出樓中望月

日落泛澄瀛星羅遊輕橈憇榭面曲汜臨流對迴潮  
輟策共駢筵並坐相招要哀鴻鳴沙渚悲後響山椒  
亭亭映江月颺颺出谷颺斐斐氣暮岫泫泫露盈條  
近矚祛幽蘊遠視盪誼囂晤言不知罷從夕至清朝

七月七日夜詠牛女

落日隱欄楹升月照簾玉臺作房櫳團團滿葉露  
析析振條風蹠足循廣除瞬目矚曾穹雲漢有靈匹  
彌年闕相從遐川阻暱愛脩渚曠清容弄杼不成藻  
聳響驚前蹤昔

離秋已兩今聚夕無雙傾河易迴幹欸情土臺作顏難久悰

沃若靈駕旋寂寥雲幄空留情顧華寢遙心逐奔龍沉

吟為爾感情深意彌重

喜雨

朱明振炎氣溽暑扇溫颺美彼明月輝離畢經中宵思  
此西郊雲旣雨盈崇朝上天愍憔悴商羊自吟謠

詠冬藝文新本字謠作靈運考舊本正之

七宿乘運曜三星與時滅履霜冰彌堅積寒風愈切繁  
雲起重陰迴颺流輕雪園林粲斐皓庭除秀皎潔輝瑣

有疑汙一作逵衢無通轍

讀書

賁園奚足慕下帷故宜遵山成由一簣崇積始微塵  
軒雖眇莽顏隰亦何人

離合詩二首

放棹遵遙塗方與情人別嘯歌亦何言肅爾凌霜節

夫人皆薄離二友獨懷古思篤子衿詩山當作川何足

苦念

夜集作離合

四坐宴嘉賓一客自遠臻九言何所戒十善故宜遵

長安有狹邪行

以下闕文

紀郢有通達通達並軒車

策之五尹振轡從三閭推劔馮前軼鳴佩專後輿

順東西門行

哀朝茵閱頹力遷化常然焉肯息及壯齒遇世直酌酪

華堂集親識舒情盡權遣悽惻

夜集嘆乖

詩人詠踟躕騷首歌離別誠哉曩日歡展矣今夕切吾

生赴進令質明即行轍  
在貧故宜言贈子保溫惠局  
用書諸紳久要亮有誓

華堂與孔曲阿別詩

淒淒乘蘭秋言錢千里舟塗屆雲陽邑邑宰有昔遊行  
人雖念路為爾暫淹留

詠螺蚌

輕羽不高翔自用弦網羅纖鱗惑芳餌故為釣所加螺  
蚌非有心沉迹在泥沙文無雕飾用味非鼎俎和

四坐宜失題

見藝文  
言志類

夕坐苦多慮行歌踐閨中房櫳引傾月步檐結春風

詩紀卷之四十九

宋六

鮑照

始

一作昭字明遠東海人文詞瞻逸尤長於樂府始謁臨川王義慶貢詩言志擢為國侍郎遷秣

陵令文帝選為中書舍人上方以文章自高頗多忌由是賦述不敢盡其才後臨海王子項鎮荊州以為前軍參軍時江外諸王皆推命子項敗遂遇害詩品曰鮑照詩其源出於二張善形狀寫物之詞得景陽之詼詭含茂先之靡嫚骨節強於謝混駢邁疾於延年總四家而擅美跨兩代而孤出嗟其才秀人微故取湮當代然貴尚巧似不避危仄頗傷清雅之調故言險俗者多以附照

樂府

採桑

以下五言

季春梅始落工女事蠶作採桑淇洧間還戲上官閣早

蒲時結陰晚篁

一作竹

初解籜藹藹霧滿

集作麗

閨融融景

盈幕乳鷺逐草蟲巢蜂拾花萼是節最暄妍佳服又新

爍綿

玉臺作歛

歎對迥塗揚歌弄場藿抽琴試抒思薦珮果

成託承君郢中美服義父心諾衛風古愉艷鄭俗舊淨

薄靈願悲渡湘宓賦笑瀝洛盛明難重来淵意為誰涸

君其且調絃桂酒妾行酌

### 宋六代蒿里行

同盡無貴賤殊願有窮伸馳波催永夜零露逼短晨結

集作驅

我幽山駕去此滿堂親虛容遺劔佩實

樂府作美

貌戢

衣巾斗酒安可酌尺書誰復陳年代稍推遠懷抱日幽

淪人生良自劇天道與何人齋我長恨意歸為狐兔塵

### 代挽歌

獨處重冥下憶昔登高臺傲岸平生中不為物所裁埏

門只復閉白蟻相將來生時芳蘭體小蟲今為灾玄鬢

無復根枯體依青苔憶昔好飲酒素盤進青梅彭韓及

廉蘭疇昔已成灰壯士皆死盡餘人安在哉

### 代東門行

傷禽惡弦驚倦客惡離聲離聲斷客情賓御皆涕零涕  
零心斷絕將去復還訣一息不相知何況異鄉別遙遙  
征駕遠杳杳白日晚居人掩閨卧行子夜中斂野風吹  
草集作秋木行子心腸斷食梅常苦酸衣葛常苦寒絲竹  
徒滿座憂人不解顏長歌欲自慰彌起長恨端

### 代放歌行

歌錄曰孤子生行  
古辭曰放歌行

蓼蟲避葵莖習苦不言非小人自齷齪安知曠士懷鷄  
鳴洛城裏禁門平旦開冠蓋縱橫至車騎四方來素帶

曳長飈華纓結遠埃日中安能止鍾鳴猶未歸夷世不  
可逢賢君信愛才明慮自天斷不受外嫌猜一言分珪  
爵片善辭草萊豈伊白璧賜將起黃金臺今君有何疾  
臨路獨遲迴

### 代陳思王京洛篇

玉臺作煌  
煌京洛行

鳳樓十二重四戶八綺窓繡榻金蓮花桂柱玉盤龍珠  
簾無隔露羅幌不勝風寶帳三千所為爾一朝容揚芬  
紫烟上垂綵綠雲中春吹回白日霜歌落塞鴻但懼秋  
塵起盛愛逐衰蓬坐視青苔滿卧對錦筵空琴瑟縱橫

散舞衣不復縫古來共歎薄君意豈獨濃唯見雙黃鵠  
千里一相從

代門有車馬客行

門有車馬客問客何鄉士捷步往相訊果得舊鄰里悽  
悽聲中情慙慙增下俚語昔有故悲論今無新喜清晨  
相訪慰日暮不能已歡戚競尋緒談調何終止辭端竟  
未究忽唱分途始前悲尚未弭後感樂府作戚方復起嘶聲  
盈我口談言在君耳手迹可傳心願爾篤行李

代權歌行

羈客離嬰時飄飄無定所昔秋寓江介茲一作今春客河  
澣往戢于役身願言永懷楚泠泠儵疏潭邕邕鴈循渚  
颺戾長風振搖曳高帆舉驚波無留連舟人不躊躇

代白頭吟

直如朱絲繩清如玉壺冰何慙宿昔意猜恨坐相仍人  
情賤恩舊世議逐衰興毫髮一為瑕丘山不可勝食苗  
實碩鼠點白信蒼蠅鳧鵠遠成美薪芻前見陵申黜褒  
女進班去趙姬升周王日淪惑漢帝益嗟稱心賞猶難  
恃貌恭豈易憑古來共如此非君獨撫膺



代東武吟

主人且勿誼賤子歌一言僕本寒鄉士出身蒙漢恩始

隨張校尉占一作募到河源後逐李輕車追虜窮塞垣

密塗亘萬里空歲猶七奔肌力盡鞍甲心思歷涼温將

軍既下世部曲亦罕存時事一朝異孤績誰復論少壯

辭家去窮老還入門腰鑣刈葵藿倚杖牧一作鷄豚昔

如講上鷹今似檻中猿徒結一作千載恨空負百年怨

棄席思君幄疲馬戀君軒頭垂晉主惠不媿田子魂

代別鶴操

雙鶴俱起時徘徊滄海間長弄若天漢輕軀似雲懸幽

客時結侶提携遊三山青繳凌瑤臺丹羅籠紫烟海上

悲風急三山多雲霧散亂一相失驚孤不得住緬然日

月馳遠矣絕音儀有願而不遂無怨以生離鹿鳴在深

草蟬鳴隱高枝心自有所存一作旁人那得知

西土登出自薊北門行

羽檄起邊亭烽火入咸陽徵師一作屯廣武分兵救朔

方嚴秋筋竿勁虜陣精且彊天子按劍怒使者遙相望

鴈行緣石徑魚貫度飛梁簫鼓流漢思當作旌甲被胡

霜疾風衝塞起沙礫自飄揚馬毛縮如蝟角弓不可張  
時危見臣節世亂識忠良投軀報明主身死為國殤

代陸平原君子有所思行

西上登雀臺東下望雲闕層閣肅天居馳道直如髮繡

薨結飛霞璇題納行月築山擬蓬壺穿池類溟渤選色

遍齊代

集作

徵聲匝邛越陳鍾陪夕讌笙歌待明發年

貌不可還身意會盈歎蟻壤漏山阿

善作

絲淚毀金骨

器惡含滿歎物忌厚生沒智裁衆多士服理辨昭昧

叶音

末一作

代悲哉行

明遠集載此樂府作謝惠連

羈人感淋節緣感欲回轍我行詎幾時華實驟舒結覩

實情有悲瞻華意無悅覽物懷同志如何復乖別翩翩

翔禽羅關關鳴鳥列翔鳴常疇偶所歎獨乖絕

代陳思王白馬篇

白馬駢角弓鳴鞭乘北風要途問邊急雜虜入雲中閉

壁自徃夏清野徑還冬僑裝多闕絕旅服少裁縫埋身

守漢境

一作

沉命對胡封薄暮塞雲起飛沙被遠松舍

悲望兩都楚歌登四墉丈夫設計誤懷恨逐邊戎棄

一作

罷別中國愛要

一作邀

與胡馬功去來今何道卑賤生所

鍾但令塞上兒知我獨為雄

代昇天行

家世宅關輔勝帶宦王城備聞十帝事委曲兩都情倦

見物興哀驟覩俗屯平翩翩若

一作類

回掌恍惚似朝榮

窮途悔短計晚志重

一作愛

長生從師入遠嶽結友事仙

靈五圖

一作芝

發金記九籀隱丹經風餐委松宿雲卧恣

天行冠霞登絲閣解玉飲椒庭暫遊越萬里少

一作近

別

數千齡鳳臺無還駕簫管有遺聲何時

一作常

與汝曹咏

齋共吞腥

松栢篇

并序

余患脚上氣四十餘日知舊先借傳玄集以余病劇

遂見還開表適見樂府詩龜鶴篇於危病中見長逝

詞惻然酸懷抱如此重病彌時不差呼吸之喘舉目

悲美火藥間缺而擬之

松栢受命獨歷代長不衰人生浮且脆鷓若晨風悲東

海逆浙川西山導落暉南廓

一作郊

悅籍短蒿里收永歸

諒無疇昔時百病起盡期志士惜牛刀忍勉自療治傾

家行藥事顛沛去迎醫徒備火石若奄至不得辭龜齡  
安可獲岱宗恨一作限已迫睿聖不得留為善何所益捨  
此赤縣君就彼黃墟宅永離九原親長與三辰隔屬續  
生望盡闔棺世業埋事痛存人心恨結亡者懷祖葬既  
云及壙隧亦已開室族內外哭親踈同共哀外姻遠近  
至名列通夜臺扶輿出殯官低回戀庭室天地有盡期  
我去無還日居者今已盡人事從此畢火歇烟既沒形  
銷聲亦滅鬼神來依我生人永辭訣大暮杳悠悠長夜  
無時節鬱湮重冥下煩冤難具說安寢委沉寔戀戀念

平生事業有餘結刊述未及成資儲無擔石兒女皆孩  
嬰一朝放捨去萬恨纏我情追憶世上事束教已自拘  
明發靡怡愈久歸多憂虞撤閒晨逕流轍宴式酒濡知  
今暝日苦恨失爾時娛遙遙遠民居獨埋深壤中墓前  
人跡滅冢上草日豐空林響鳴蜩高松結悲風長窠無  
覺期誰知逝者窮生存處交廣連榻舒華茵已沒一何  
苦枯哉不容身昔日平居時晨夕對六親今日掩柩何  
一見無諧因禮席有降殺三齡速過隙几筵就收撤室  
宇改疇昔行女遊歸途仕子復王役家世本平常獨有

亡者劇時祀望歸來四節靜坐立孝子撫墳號父子知  
來不欲還心依戀欲見絕無由煩冤荒隴側肝心盡崩  
抽

代苦熱行

赤阪橫西阻火山赫南威身熱頭且痛鳥墜魂來歸湯

泉發雲潭焦烟起石圻一作日月有恒昏雨露未嘗晞

丹蛇踰百尺玄蜂盈十圍含沙射流影吹蠱病一作行

暉瘴氣晝薰體茵露夜露衣饑後莫下食晨禽不敢飛

毒溼尚多死度瀘壺具腓生軀蹈死地昌志登禍機戈

船榮既薄伏波賞亦微爵輕君尚惜士重安可希

代朗月行

朗月出東山照我綺窓前窓中多佳人被服妖且妍靚

粧坐帳一作裏當戶弄清絃鬢奪衛女迅體絕飛燕先

為君歌一曲當作朗月篇酒至顏自解聲和心亦宣千

金何足重所存意氣間

代堂上歌行

四坐且莫一作誼聽我堂上歌昔仕京洛時高門臨長

河出入重宮裏結友曹與何車馬相馳逐賓朋好容華

陽春孟春月朝光散流霞輕步逐芳風言笑弄丹葩暉  
暉朱顏醜紛紛織女梭滿堂皆美人目成對湘娥雖讌  
侍君閑明粧帶綺羅箏笛更彈吹高唱好相和萬曲不  
關心一作情一曲動情多欲知情厚薄更聽此聲過

代結客少年場行

驄馬金絡頭錦帶佩吳鉤失意杯酒間白刃起相讐追  
兵一旦至負劔遠行遊去鄉三十載復得還舊丘升高  
臨四關表裏望皇州九塗一作衢平若水雙闕似雲浮扶  
宮羅將相夾道列王侯日中市朝滿車馬若川流擊鍾

陳鼎食方駕自相求今我獨何為埽堞懷百憂

扶風歌

昨辭金華殿今次鴈門縣寢卧握秦戈棲息抱越箭忍  
悲別親知行泣隨征傳寒烟空徘徊朝日乍舒卷

代少年時至衰老行

已下五首  
樂府不載

憶昔少年時馳逐好名晨結友多貴門出入富兒鄰綺  
羅艷華風車馬自揚塵歌唱青琴女彈箏燕趙人好酒  
多芳氣銷味厭時新今日每相念此事邈無因寄語後  
生子作樂當及春

代陽春登荆山行

旦登荆山頭崎嶇道難遊早行犯霜露苔滑不可留極  
眺入雲表窮目盡帝州方都列萬室層城帶高樓奕奕  
朱軒馳紛紛縞衣流日氛映山浦暄霧逐風收花木亂  
平原桑柘盈一作綿平疇攀條弄紫莖藉露折芳柔遇物  
雖成趣念者不解憂且共傾春酒長歌登山丘

代貧賤愁苦行

湮沒雖死悲貧苦即生劇長歎至天曉愁苦窮日夕盛  
顏當少歇鬢髮先老白親友四面絕朋知斷三益空庭  
慙樹萱藥餌愧過客貧年忘日時黷顏就人惜俄傾不  
相酬慙恠面已赤或以一金恨便成百年隙心為千條  
計事未見一獲運圯津塗塞遂轉死溝洫以此窮百年  
不如還窀穸

代邊居行

少年遠京一作荆陽遙遙萬里行集作方陋巷絕人徑茅屋  
摧山崗不覩車馬迹但見麋鹿場長松何落落丘隴無  
復行邊地無高木蕭蕭多白楊盛年日月盡一去萬恨  
長悠悠世中人爭此錐刀忙不憶貧賤時富貴輒相忘

紛紛徒滿目何關慨予傷不如一畝中高會挹清漿遇  
樂便作樂莫使候朝光

代邽街行

竚立出門衢遙望轉蓬飛蓬去舊根在連翩逝不歸念  
我捨鄉俗親好义乖違慷慨懷長想惆悵戀音徽人生  
隨事變遷化馬可祈百年難必果千慮易盈虧

簫史曲

樂府作鮑照藝文作張華然此詩詞格不類晉人當以樂府為正

簫史愛長一作年羸女羞童顏火粒頰排棄霞霧好登

攀龍飛逸一作天路鳳起出秦關身去長不返簫聲時

往還

王昭君

既事轉蓬遠心隨鴈路絕霜鞞旦夕驚邊笳中夜咽

吳歌三首

夏口樊城岸曹公却月戍但觀流水還識是儂流下

夏口樊城岸曹公却月樓觀見流水還識是儂淚流

人言荆江狹荆江定自闊五兩了無聞風聲那得達

採菱歌七首

鶩舫馳桂浦息棹偃椒潭簫弄澄湘北菱歌清漢南



弭榜寒蕙萋停唱  
紉薰若含傷拾泉花  
榮念採雲萼  
睽闊逢暄新悽然  
值妍華秋心不可盪  
樂府作珠不那  
春思亂

如麻

要艷雙嶼裏望美兩洲間  
裏裏風出浦容容  
樂府作沉沉  
日

向山

烟曠越嶂深箭迅楚江急  
空抱琴中  
樂府作心  
悲徒望近關

樂府作弦關  
泣

緘歎凌珠淵收慨上金堤  
春芳行歇落是人方未齊

思今懷近憶望古懷遠識  
懷古復懷今長懷無終極

幽蘭五首

傾輝引暮色孤景留思顏  
梅歇春欲罷期渡往不還

簾委蘭蕙露帳含桃李風  
攬帶昔何道坐令芳節終

結珮徒分明抱梁輒乖忤  
華落知不終空愁坐相誤

眇眇蛸挂網漠漠蠶弄絲  
空慙不自信怯與君畫  
一作劃

期

陳國鄭東門古今共所知  
長袖暫徘徊駟馬停路岐

中興歌十首

千冬遲一作逢  
一春萬夜視朝日生平  
值中興歡起百憂

畢

中興太平運化清四海樂祥景照玉臺紫烟遊鳳閣  
碧樓含夜月紫殿爭朝光綵池散蘭麝風起自生芳  
白日照前窓玲瓏綺羅中美人掩輕扇含思歌春風  
三五容色滿四五妙華歇已輸春日歡分隨秋光沒  
北出湖邊戲前還苑中遊飛縠繞長松馳管逐波流  
九月秋水清三月春花滋千金逐良日皆兢中興時  
窮泰已有分壽夭復屬天既見中興樂莫持憂自煎  
襄陽是小地壽陽非帝城今日中興樂遙冶在上京

梅花一時艷竹葉千年色願君松柏心採照無窮極

代白紵舞歌詞四首

并序  
下七言

侍郎臣鮑照啓被教作白紵舞歌詞謹竭庸陋裁為  
四曲附啓上呈識方洪悴思塗猥局言既無雅聲未  
能文不足以宣贊聖旨抽拔妙實謹遣簡餘慙隨悚

盈謹啓詞曰

吳刀楚製為佩褱織羅霧縠垂羽衣含商咀徵歌露晞  
珠履一作徒颯沓紈袖飛淒風夏起素雲回車息馬煩客  
息歸蘭膏明燭承夜輝

桂宮栢寢擬天居朱爵文窓韜綺疏象牀瑤席鎮犀渠

雕屏匝匝組帷一作帳舒秦箏趙瑟挾笙竽垂璫散珮盈

玉除停觴不御欲誰湏

三星參差霧露濕絃悲管清月將入寒光蕭條候蟲急

荆王流歎楚妃泣紅顏難長時易戢凝華結藻一作綵又

延立非君之故豈安集

池中赤鯉庖所捐琴高乘去騰一作飛上天命逢福世丁

溢恩一作微命逢福丁溢恩簪金藉綺升曲筵恩厚德深一作思君厚德

委如山潔誠洗志期暮年烏白馬角寧足言無

內合代白紵曲二首

朱唇動素腕一作袖舉洛陽少童一作年邯鄲女古稱淶水

今白紵催絃急管為君舞窮秋九月荷葉黃北風驅鴈

天雨霜夜長酒多樂未央

春風澹蕩俠思多天色淨淶氣妍和含桃紅萼蘭紫芽

朝日灼爍發園華卷幌結帷羅玉筵齊謳秦吹盧女絃

千金顧笑買芳年

代鳴鴈行

邕邕鳴鴈鳴始旦齊行命侶入雲漢中夜相失群離亂

留連徘徊不忍散憔悴容儀君不知辛苦風霜亦何為

擬行路難十八首

以下雜言

奉君金卮之美酒

毒一作

瑁玉匣之雕琴七綵芙蓉之

羽帳九華蒲萄之錦衾紅顏零落歲將暮寒光宛轉時  
欲沉頭君裁悲且減思聽我抵節行路吟不見栢梁銅

雀上窻聞古時清吹音

洛陽名工鑄為金博山千斲復萬鏤上刻秦女携手仙  
承君清夜之歡娛列置幃裏明燭前外發龍鱗之丹綵  
內含麝芬之紫煙如今君心一朝異對此長歎終百年

璇閨玉墀上椒閣文窓繡戶垂羅幕中有一人字金蘭

被服織羅采芳藿春燕差池風散梅開幃對景弄春爵

含歌攬涕恒抱愁

玉臺作不能言

人生幾時得為樂寧作野中

之雙鳧不願雲間之別鶴

瀉水置平地各自東西南北流人生亦有命安能行歎  
復坐愁酌酒以自寬舉杯斷絕歌路難心非木石豈無  
感吞聲躑躅不敢言

君不見河邊草冬時枯死春滿道君不見城上日今暝

沒盡一作去明朝復更出今我何時當得然一去永滅

入黃泉人生苦多歡樂少意氣敷腴在盛年且願得志  
數相就牀頭恒有酤酒錢功名竹帛非我事存亡貴賤  
付皇天  
對案不能食拔劔擊柱長歎息丈夫生世會幾時安能  
蹀躞垂羽翼棄置罷官去還家自休息朝出與親辭暮  
還在親側弄兒牀前戲看嬾機中織自古聖賢盡貧賤  
何況我輩孤且直

愁思忽而至跨馬出北門舉頭四顧望但見松柏園荆

棘鬱躑躅集作搏搏中有一鳥名杜鵑言是古時蜀帝魂聲

音哀苦鳴不息羽毛憔悴似人髣飛走樹間啄集作逐蟲

蟻豈憶往日天子尊念此死生變化非常理中心惻愴

不能言

中庭五株桃一株先作花陽春妖冶三三月從風簸蕩

落西家西家思婦見悲惋零淚霑衣撫心歎初送我君

出戶時何言淹留節迴換牀席生塵明鏡垢纖腰瘦削

髮蓬亂人生不得恒稱意惆悵徒倚至夜半

剝蘂染黃絲黃絲歷亂不可治我昔與君始相值爾時

自謂可君意結帶與君言死生好惡不相置一作結帶與君同死

生好惡不擬相棄置

今日見我顏色衰意中索寞

一作錯漢

與先異還

君金

一作玉

釵玳瑁簪不忍見之

一作此

益愁思

君不見薜華不終朝須臾淹冉零落銷盛年妖艷浮華

輩不久亦當詣冢頭一去無還期千秋萬歲無音詞孤

魂煢煢空隴間獨魄徘徊遮墳墓但聞風聲野鳥吟豈

憶平生盛年時為此令人多悲悵君當縱意自熙怡

君不見枯籜走階庭何時復青著故莖君不見亡靈蒙

享祀何時傾杯竭壺罌君當見此起憂思寧及得與時

人爭人生倏忽如絕電華年盛德幾時見但令縱意存

高尚肯酒佳肴相齎讌持此從朝竟夕暮差得亡憂消

愁怖胡為惆悵不能已難盡此曲令君忤

今年陽初花滿林明年冬未雪盈岑推移代謝紛交轉

我君邊戍獨稽沉執袂分別已三載邇來寂淹無分音

朝悲慘慘遂成滴暮思遶遶最傷心膏沐芳餘久不御

蓬首亂鬢不設簪徒飛輕埃舞空帷粉筐黛器靡復遺

自生留世苦不幸心中惕惕恒懷悲

春禽啾啾旦暮鳴最傷君子憂思情我初辭家從軍僑

榮志溢氣干雲霄流浪漸冉經三齡忽有白髮素髭生

今暮臨水拔已盡明日對鏡復已盈但恐羈死為鬼客  
客思寄滅生空精每懷舊鄉野念我舊人多悲聲忽見  
過客問何我寧知我家在南城答云我曾居君鄉知君  
遊宦在此城我行離邑已萬里今方羈役去遠征來時  
聞君婦閨中孀居獨宿有貞名亦云悲朝泣閑房又聞  
暮思淚霑裳形容憔悴非昔悅蓬鬢衰顏不復粧見此  
令人有餘悲當願君懷不暫忘

君不見少壯從軍去白首流離不得還故鄉宵宵日夜  
隔音塵斷絕阻河關朔風蕭條白雲飛胡笳哀急邊氣  
寒聽此愁人兮奈何登山遠望得留顏將死胡馬跡空  
見妻子難男兒生世輒軻欲何道綿憂摧抑起長歎

君不見栢梁臺今日丘墟生草萊君不見阿房宮寒雲  
澤雉栖其中歌妓舞女今誰在高墳壘壘滿山隅長袖  
紛紛徒競世非我昔時千金軀隨酒逐樂任意去莫令  
含歎下黃壚

君不見冰上霜表裏陰且寒雖蒙朝日照信得幾時安  
民生故如此誰令摧折強相看年去年来自如削白髮  
零落不勝冠

君不見春鳥初至時百草含青俱作花  
寒風蕭索一旦至竟得幾時保光華  
日月流邁不相饒令我愁思怨恨多  
不見水士深寒且寒輟寒時日無計  
諸君莫歎貧富貴不由人丈夫四十彊  
而仕余當二十弱冠辰莫言草木委冬  
雪會應蘇息遇陽春對酒叙長篇窮途  
運命委皇天但願樽中九醞滿莫惜床  
頭百個錢直得一作優游卒一歲何勞  
辛苦事百年一作梅花落  
中庭雜樹多偏為梅咨嗟問君何獨然  
念其霜中能作花露中能作實搖蕩春  
風媚春日念爾零落逐寒風徒有霜華  
無霜質

代淮南王

玉臺分朱城以下別作一首

淮南王好長生服食鍊氣讀仙經  
琉璃作盤牙作盤金鼎玉七合神丹  
合神丹戲紫房紫房綵女弄明璫  
鸞歌鳳舞斷君腸朱城九門一作朱  
門九重門九閨願逐明月入君懷  
入君懷結君佩怨君恨君特君愛築  
城思堅劔思利同盛同衰莫相棄

代雉朝飛



雉朝飛振羽翼專場挾雌

一作兩

恃彊力媒已驚翳又逼

蒿間潛發盧矢直列繡頸碎錦臆絕命君前無怨色握

君手執杯酒意氣相傾死何有

### 北風涼行

北風涼雨雪零京洛女兒多妍粧遙豔帷中自悲傷沉

吟不語若有

一作為

忘問君何行何當歸苦使妾坐自傷

悲慮年至慮顏衰情易復恨難追

### 代空城雀

雀乳四轂空城之阿朝食

一作拾

野粟夕飲冰河高飛畏

鷓鴣下飛畏網羅辛傷伊何言怵迫良已多誠不及青

鳥遠食玉山禾猶勝吳宮鷺無罪得焚窠賦命有厚薄

長歎欲如何

### 代夜坐吟

冬夜沉沉夜坐吟含聲未發已知心霜入幕風度林朱  
燈滅朱顏尋體君歌逐君音不貴聲貴意深

### 代春日行

三言

獻歲發吾將行春山茂春日明園中鳥多嘉聲梅始發

桃

一作柳

始青汎舟艫齊擢驚奏採菱歌鹿鳴風微起波

微生絃亦發酒亦傾入蓮池折桂枝芳袖動芬葉披兩  
相思兩不知

詩紀卷之五十一

宋七  
鮑照

詩

侍宴覆舟山二首

勅為柳元景作  
以下五言

息雨清上郊開雲照中縣遊軒越丹居暉燭集涼殿凌  
高躋飛楹追焱起流宴松苑含靈群崑庭藏物變明輝  
爍神都麗氣冠華甸目遠幽情周醴洽深恩遍  
繁霜飛玉闥愛景麗皇州清蹕戒一作馳路羽蓋佇宣

游神居既崇盛崑嶮信還周禮俗陶德聲昌會溢民謳  
慙無勝化質謬從雲雨浮一作遊

從拜陵登京峴

孟冬十月交殺盛陰欲終風烈無勁草寒甚有凋松軍  
井冰晝結士馬羶夜重晨登峴山首霜雪凝未通息鞍  
循隴上支劔望雲峰表裏觀地險昇降究天容東嶽覆  
如礪瀛海安足窮傷哉良永矣馳光不再中哀賤謝遠  
顛疲老還舊邦深德竟何報徒令田陌空

蒜山被始興王命作

暮冬霜朔嚴地閉泉不流玄武藏木陰丹鳥一作鳥還養

羞勞農澤既周役車時亦休高薄符一作浮好藉一作清藻

駕及時遊鹿苑豈淹睇兔園不足留升嶠眺日軌臨迥

望滄洲雲生玉堂裏風靡銀臺阪陂石類星懸嶼木似

煙浮形勝信天府珍寶麗皇州白日迴清景芳豔洽歡

柔參差出寒吹飈戾江上謳王德愛文雅飛翰灑鳴球

羨哉物會昌衣道服光猷

登廬山二首

懸裝亂水區薄旅次山楹千巖盛阻積萬壑勢迴縈巖

從高昔貌紛亂

一作純

襲前名洞澗窺地脉聳

藝文作棘樹隱

天經松磴上迷密雲竇下縱橫陰冰實夏結炎樹信冬  
榮嘈噴晨鷗思叫嘯夜猿清深崖伏化迹穹岫閱長靈  
乘此樂山性重以遠遊情方躋羽人途永與煙霧并

其二

藝文類聚作登廬山望石門

訪世失隱淪從山異靈士明發振雲冠升嶠遠棲趾高  
岑隔半天長崖斷千里氛集作飛霧承星辰潭壑洞江汜  
嶄絕類虎牙噴岼象熊耳埋冰或百年韜樹必千祀鷄  
鳴清澗中猿嘯白雲裏瑤波逐穴開霞石觸峯起迴互

非一形參差悉相似傾聽鳳管賓緬望釣龍子松桂盈  
膝前如何穢城市

從登香爐峯

辭宗盛荆夢登歌美鳧繹徒收杞梓饒曾非羽人宅羅  
景藹雲扃沾光扈龍策御風親列涂乘山窮禹迹含嘯  
對霧岑延蘿倚峯壁青冥搖煙樹穹跨負天石霜崖滅  
土膏金澗測泉脉旋淵抱星漢乳竇通海碧谷館駕鴻  
人巖棲咀丹容殊物藏珍怪竒心隱仙籍高世伏音華  
綿古道精魄簫瑟生哀聽參差遠驚覲慙無獻賦才洗

汗奉毫帛

八歲從庾中郎遊園山石室

荒塗趣山楹雲崖隱靈

一作虛

室岡澗紛縈抱林障沓重

密昏昏磴路深活活梁水疾幽隅秉晝燭地牖窺朝日  
怪石似龍章瑕璧麗錦質洞庭安可窮漏井終不溢沉  
空絕景聲崩危坐驚慄神化豈有方妙象竟無述至哉  
鍊玉人處此長自畢

登翻車峴

高山絕雲霓深谷斷無光晝夜淪霧雨冬夏結寒霜淖  
坂既馬領磧路又羊腸畏塗疑旅人忌轍覆行箱昇岑  
望原陸四眺極川梁遊子思故居離客遲新鄉新知有  
客慰追故遊子傷

登黃鶴磯

木落江渡寒鴈還風送秋臨流斷商絃瞰川悲棹謳適  
郢無東轅還藝文作過夏有西浮三崖隱丹磴九派引滄流  
淚竹感湘別弄珠懷漢遊豈伊藥餌泰得奪旅人憂

登雲陽九里埭

宿心不復歸流年抱衰疾既成雲雨人悲緒終不一徒

憶江南聲空錄齊后瑟方絕縈絃思豈見繞梁日

自礪山東望震澤

瀾漫潭洞波合沓崿嶂雲漲島遠不測岡澗近難分幽  
篁愁暮見思鳥傷夕聞以此藉沉痾棲迹別人群結言  
非盡書有念豈敷文

三日遊南苑

採蘋及華月追節逐芳雲騰藉溢林疏麗日擘山文清  
潭圓翠會花薄緣綺紋合樽遽景斜折榮羞組芬

贈故人馬子喬六首

躑躅城上羊攀隅食玄草俱共日月輝昏明獨何早夕

風飄野籜飛塵被長道親愛難重陳

集作見

懷憂坐

空老

寒灰滅更燃夕華晨更鮮春冰雖暫解冬水復還堅佳  
人捨我去賞愛長絕緣歡至不留日感物輒傷年

松生隴坂上百尺下無枝東南望河尾西北隱崑崖野  
風振山籟朋鳥夜驚離悲涼貫年節蕊翠恒若斯安得  
草木心不怨寒暑移

種橘南池上種杏北池中池北既少露池南又多風早  
寒逼晚歲哀恨滿秋容湘濱有靈鳥其字曰鳴鴻一挹

繒繳痛長別遠無雙

皎如川上鵠赫似握中丹宿心誰不欺明白古所難憑

楹觀皓露灑酒盪憂顏永念平生意窮光不忍還淹留

徒攀桂延佇空結蘭

雙劍將離別先在匣中鳴烟雨交將夕從此遂分形雌

沉吳江裏

玉臺作水

雄飛入楚城吳江深無底楚關

一作闕

有

崇肩一為天地別豈直限幽明神物終不隔千祀儻還

并

答客

幽居屬有念含意未連詞會客從外來問君何所思澄

神自惆悵嘿慮久迴疑謂賓少安席方為子陳之我以

華門士負學謝前基愛賞好偏越放縱少矜持專求遂

性樂不計緝名期歡至獨斟酒憂來輒賦詩聲交稍希

歇此意更堅滋浮生急馳電物道險絃絲深憂寡情謬

進伏兩睽時願賜卜身要得免後賢嗤

和王丞

限生歸有窮長意

一作憶

無已年秋心日迫絕春思坐連

綿銜協曠古頤斟酌高代賢遐迹俱浮海採藥共還山

夜聽橫石波朝望宿巖煙明澗子泐越飛蘿予縈牽性  
好必齊逐迹幽非妄傳滅志身世表藏名琴酒間

日落望江贈荀丞

旅人之愉樂薄暮增思深日落嶺雲歸延頸望江陰亂  
流濛大壑長霧匝高林林際無窮極雲邊不可尋惟見  
獨飛鳥千里一揚音推其感物情則知遊子心君居帝  
京內高會日揮金豈念慕群客咨嗟戀景沉

秋日示休上人

枯桑葉易零疲客心易驚今茲亦何早已聞絡繹鳴迴  
風滅且起卷蓬息復征愴愴簟上寒悽悽帳裏清物色  
延暮思霜露逼朝榮臨堂觀秋草東西望楚城百物方  
蕭瑟坐歎從此生

荅休上人

一云荅休上人菊詩湯  
惠休贈鮑侍郎詩別見

酒出野田稻菊生高岡草味貌復何竒能令君傾倒玉  
椀徒自羞為君慨一作愧此秋金蓋覆牙杼何為心獨愁

吳興黃浦亭庾中郎別

風起洲渚寒雲上日無輝連山眇煙霧長波迫難依旅  
鴈方南過浮客未西歸已經江海別復與親眷違奔景



易有窮離袖安可揮惟觴為悲酌歌服成泣衣温念終  
不渝藻志遠存追役人多牽滯顧路慙奮飛昧心附遠  
翰烟言藏佩常

與伍侍郎別

民生如野鹿知愛不知命飲斃具攢聚翹陸歎驚迸傷  
我慕類心感爾食苹性漫漫駟郢途渺渺淮海迳子無  
金石質吾有犬馬病憂樂安可言離會孰能定欽哉慎  
所宜砥德乃為盛貧游不可忘又交念敦敬

送別王宣城

發郢流楚思涉淇興衛情既逢青春獻復值白蘋生廣  
望周千里江郊藹微明舉爵自惆悵歌管為誰清頽陰  
騰前藻淮陽流昔聲樹道慕高華屬路佇深馨

送從弟道秀別

參差生密念躑躅行思悲悲思戀光景密念盈一作歲  
彌一作歲時歲時多阻折光景乏安怡以此苦風情日夜驚懸旗  
登山臨朝日揚袂別所思浸淫旦潮廣瀾漫宿雲滋天  
陰懼先發路遠常早辭篇詩後相憶杯酒今無持游子  
苦行役異會非遠期

贈傅都曹別

輕鴻戲江潭，孤鴈集洲汜。邂逅兩相親，緣念共無已。風  
雨好東西，一隔頓萬里。追憶栖宿時，聲容滿心耳。落日  
川渚寒，愁雲繞天起。短翮不能翔，徘徊烟霧裏。

和傅大農與僚故別

絕節無緩響，傷鴈有哀音。非同年歲意，誰共

集作異

別離

心伊昔謬通塗

一作望

冠屣預人林，浮江望南嶽。登潮窺

海陰，孰謂游居淺。慕美久相深，萋萋春草秀。嚶嚶喜候  
禽，辰物盡明茂。尊盛獨幽沉，之子安所適。我方栖舊岑，

墜歡豈更接，明愛邈難尋。

送盛侍郎餞候亭

霜霜襲冠帶，驅駕越城闔。北臨出塞道，南望入鄉津。高  
墉宿寒霧，平野起秋塵。君為坐堂子，我乃負羈人。欣悲  
豈等志，甘苦誠異身。結涕園中草，憔悴悲此春。

與荀中書別

勞舟厭長浪，疲旆倦行風。連翩感孤志，契闊傷賤躬。親  
交篤離愛，眷戀置酒終。敷文勉征念，發藻慰愁容。思君  
吟涉洧，撫已謠渡江。慙無黃鶴翅，安得久相從。願遂宿

知意不使舊山空

從過舊宮

肅裝屬雲旅奉勅承末塗嚴恭履桑梓加敬覽粉榆靈  
命蘊川瀆帝寶伏篇圖虎變由石紐龍翔自鼎湖功冠  
生民始道妙神器初宮陛留前一作昔制歌思溢今衢餘  
祥見雲物遺像存陶漁泉流信清泌原野實甘荼豈伊  
愛鄴鄙天險兼上腴東秦邦北門非親誰克居仁聲日  
月懋惠澤雲雨敷盧令美阿歇唐風久不渝微臣逢世  
慶征賦備人徒空費行葦德採束謝生芻

風雲從臨海王上荆初發新渚

客行有苦樂但問客何行拔龍不待翼附驥絕塵冥梁  
珪分楚牧羽鷁指全荆雲艫掩江汜千里被連旌戾戾  
旦風道嘈嘈晨鼓鳴收纜辭帝郊揚棹發皇京狐兔懷  
窟志犬馬戀主情撫襟同太息相顧俱涕零奉役塗未  
啓思歸思已盈

還都道中三首

悅懌遂還心踊躍貪至勤鳴鷄戒征路暮息落日分急  
流騰飛沫回風起江濱孤獸啼夜侶離鴻噪霜群物哀

心交橫聲切思紛紛歎慨訴同旅美人無相聞

風急訊灣浦裝高偃檣舳夕聽江上波遠極千里目寒

律驚窮蹊爽氣起喬木隱隱日沒岫瑟瑟風發谷鳥還

暮林誼湖上冰結泮夜分霜下凄悲端出遙陸愁來攢

人懷羈心苦獨宿

久宦迷遠川川廣每多懼薄止間邊亭關歷險程路霍

霽冥寓岫濛昧江上霧時涼籟爭吹流洑浪奔趣

一作注

惻焉增愁起搔首東南顧茫然荒野中舉目皆凜素回

風揚江泌

寒樓動樹太息終晨漏企我歸颺遇

上潯陽還都道中作

昨夜宿南陵今日入蘆洲客行情日月崩波不可留侵

星赴早路畢景逐前儔鱗鱗夕雲起獵獵晚

一作曉

風道

騰沙鬱黃霧翻浪揚白鷗登艫眺淮甸掩泣望荆流絕

目盡平原時見遠烟浮倏忽坐還合俄思甚兼秋未嘗

遠戶庭安能千里遊誰令乏古節貽此越鄉憂

還都至三山望石頭城

泉源安首流川末澄遠波晨光被水族曉氣歇林阿兩

江皎平迥三山鬱駢羅南帆望越嶠北榜指齊河關局

繞天邑襟帶抱尊華長城非壑峻峻岨似荆茅攢樓貫  
白日檣堞隱丹霞征夫喜觀國遊子遲見家流連入京  
引躑躅望鄉歌彌前歎景促逾近勸路多借萃猶如茲  
弘易將謂何十里悲結今夕古鏡銀北泚慨憂  
日盡平還都口號  
分壤蕃帝華列正藹皇宮禮讌及年暇朝奏因歲通維  
舟歇金景結棹俟昌風鉦歌首寒物歸吹踐開冬陰沉  
烟塞合蕭瑟涼海空馳霜急歸節幽雲慘天容旌鼓貫  
玄塗羽鷁被長江君王遲京國遊子思鄉邦恩世共渝  
治身願兩板逢勉哉河濟客勤爾尺波功  
士平  
行京口至竹里  
高柯危且竦鋒石橫復仄復澗隱松聲重崖伏雲色冰  
閉寒方壯風動鳥傾翼斯志逢凋嚴孤遊值曠適無塗  
無憇鞍半菽不遑食君子樹令名細人効命力不見長  
河水清濁俱不息

發後渚

江上氣早寒仲秋始霜雪從軍乏衣糧方冬與家別蕭  
條背鄉心悽愴清渚發涼埃晦平臯飛潮隱脩  
孤光

獨徘徊空烟視昇滅塗隨前峯遠意逐後雲結華志分  
馳年韶顏慘驚節推琴三起歎聲為君斷絕

岐陽守風

差池玉繩高掩藹

一作快

瑶井沒廣岸屯宿陰懸崖棲歸

月後人喜先馳軍令申早發洲迥風正悲江寒霧未歇  
飛雲日東西別鶴方楚越塵衣孰揮澣蓬思亂光髮

發長松遇雪

土牛既送寒莫陵

一作真陸

方浹馳振風搖地局封雪滿空

枝江渠合為陸天野浩無涯飲泉凍馬骨斲冰傷後疲

昆明豈不慘黍谷寧可吹

詠史

五都矜財雄三川養聲利百金不市死明經有高位京  
城十二衢飛甍各鱗次仕子彰華纓游客竦輕轡明星  
晨未晞軒蓋已雲至賓御紛颯杳鞍馬光照地寒暑在  
一時繁華及春媚君平獨寂寞身世兩相棄

蜀四賢詠

司馬相如 王褒

嚴君平 楊雄

渤渚水浴鳧春山玉抵鵲皇漢方盛明群龍滿階閣君  
平因世閒得還守寂寞閉簾注道德開卦述天爵相如

達生昔能屯復能躍陵令無人事毫墨時灑落褒氣有  
逸倫雅績信炳博如令聖納賢金璫易羈絡良遮神明  
遊豈伊覃思作玄經不期賞蟲篆惠散樂首路或參差  
投駕均遠託身表既非我生內任豐薄

詩紀卷之五十一



